

摘藻堂四庫全書薈要

集部

欽定四庫全書薈要

集部

御製詩二集卷三十三

四

詳校官原任編修臣徐立綱



欽定四庫全書薈要卷一萬三千三百六十

集部

御製詩二集卷三十三

古今體九十五首

壬申三

四帝詩

有序

創業守成之難易予論之已詳古所稱守成令辟

若夏后氏啟殷太甲三宗越有周成康尚矣漢唐

而下得四帝焉曰漢文帝曰唐太宗曰宋仁宗曰

金世宗夫天生民而立之君凡以為民也帝典首



以安民為言周公陳無逸咸知小民之依而子輿氏謂保民而王四帝之為治不同要以恭儉為心行仁為本庶所謂保民如赤子者歟幾餘覽古輒有微斯人其誰與歸之慕爰用顏延年五君詠例各綴五言一章非惟論世實以寫懷史評苛核槩無取焉

漢文帝

周綱既陵夷變雅民勞瘁高祖易秦暴救世於水火休

息乃未遑呂雉繼構禍大橫為天王啟光克負荷愛民  
勵始終約已戒奢情漢家四百年謂帝所造可或議雜  
黃老責賢何瑣瑣

唐太宗

創守一人備無過唐太宗所遭值天倫命也難強同英  
識早絕羣降志牧謙冲有諫無不嘉廣闢四門聽行仁  
有明效德彞惜未逢斗米纔三錢使我希休風

宋仁宗

北宋凡九帝仁宗誠首出繼統忌更張惟帝守以一恂  
惕凜天變恭儉以身率吏治若媮惰亦不任法律嬖倖  
或間用善類氣不窒吏贊乃最當論世知其實

金世宗

海陵失其德惟帝天所歸時雨滌炎氛一反海陵為南  
北講和好與民休息之福已兼福人宇內致雍熙世稱  
小堯舜可為後世師

建福宮對雨

朝儕復禁絲冥濛勢傍午朝罷此宴息耕犁方待舉前  
墀羅春花潤含花下土芳菲襲翰思綽約延清覩喜豈  
喻近臣慰惟共農父有秋其尚遙無逸以為所

百一詩

智者百慮有一失愚者百慮有一得黑鳥鸞鸞豈無白  
白鶴皚皚亦有黑高岸為谷深谷為陵滄海桑田轉盼  
相乘披沙揀金見彼星星善射由基及唐瀛百難一中  
惟人情

祭

先農壇

莫非爾極粒羣生祀典躬行逮舉耕藹藹青郊含宿露  
垂垂黃幕朗新晴三推敢懈勤民志七奏惟宣望歲情  
好雨知時先受貺益深兢業凜持盈

耕藉日擬禾詞四首

雨歇春田潤浥時南郊千畝舊章垂習勞詎止知農苦  
民命攸關念在茲



平疇膏沃不生塵穢典重逢吉亥辰  
鰲耜青箱看已熟  
由來無事必躬親

金犁升降飾飛龍致美無非為重農  
辰遍隴土香受新種  
恰逢甘雨昨朝濃

麗日和風颺綵鞭農祥大吉是今年  
漢文帝詔從頭讀  
長見愛民心藹然

題倪瓚設色山水

有董其昌題識

蒼巒翠樾淡還濃生面尋常迥不同  
怪底香光契真賞

畫禪重得楚人弓

題漢玉斧珮

方折凝精旭采暹辟邪恒協吉祥占隋珠和璧難為寶  
殷鉞周刀義取廉脩月應歸仙幙枕含章猶見漢靈炎  
可貞因憶從王事特達如斯詎久潛

暮春太和殿視朝

誅蕩天門開曙曦彤墀香靄露華滋禮章樂亮誠何有  
拱手垂衣念在茲百辟都遵博士制七言誰繼舍人詩

昭容已褻貂璫僭未可明庭贊盛儀

唐詩有戶外昭容紫袖垂之句明制

司禮監預朝會本朝一革陋制惟用外廷諸臣執事朝儀肅清誠善制也

### 臨王帖謾題

龍跳虎卧徒言勢書中稱聖誠無愧仁者見之謂之仁智者見之謂之智

### 讀叔孫通傳

叔孫待詔時諛言免虎口漢王憎儒服短衣隨左右  
最肄朝儀百官敬奔走尊卑各以次奉觴起上壽稷嗣

拜奉常五百賜金受諸生悉為郎分金不已有諸生乃  
推伏叔孫聖人否子輿闢衍儀其道比妾婦賢哉魯兩  
生窮不失所守

雨後瀛臺覽景雜詠

耜田耕罷視朝餘上苑芳菲過雨初底覺景光今日好  
麥秋有望為懷舒

水增太液漾蘭船汀芷溪毛意盡鮮恰似去年明聖畔  
柳舒花放暮春天

三千插架有芸編  
佔畢明窓憶向年  
舊學商量無寸進  
補桐書屋自依然

春陰瓊島紀春明  
十歲春天九遇晴  
今日喜逢真面目  
佳名始覺有餘情

石來艮嶽勢欽欽  
千載荆凡默監茲  
當日誠知為去聲燕

用壞人牆屋爾奚為

淑清院名瀑布舊曾傳  
溪上三間頗靜便  
便與新名千尺

雪懷吳蕪慕隱人賢謂趙宦光

金少府人卷三十三  
春煙淡沲冪平林  
陶冶湖山入靜深  
最喜迎眸新綠潤  
西峯又復作輕陰

時和每凜持盈戒  
心慰那無茂對詩  
因悟人情彼我一  
先憂後樂恕行之

承光殿

碧殿金螭據左陲  
來乘路便每神移  
喬松四面皆宜畫  
詭石一拳都入詩  
瓊島春陰飛濕翠  
液池新水漲輕漪  
書堂小憩聞天籟  
謀耳清冷意與遲

西直門外

石街官柳綠絲齊蝶逐飛花簇馬蹄最喜迎眸含濕潤  
春雲又重碧峯西

一犁已足利新耕更冀優霑尺澤盈樹杪風生心不憚  
可知望蜀是人情

朝煙欲泮露光團撲隴來牟已改觀絕勝常年憑覽處  
清懷一晌為農寬

御門日雨

徹夜聽鳴琴由來簷響斟

天恩洵旣渥余志益不欽章疏須裁決庭軒此泣臨疇  
咨期俊籲自省惕虞箴砌草芳含潤宮槐綠更深敷言  
凡百爾喜雨有同心

即事

著雨落英芳草貼菲菲點點自成文不如流水歸烏有  
白雪行空觀綠雲

清可軒



金山屋色山焦山山色屋色屋未免儉色山未免俗昆  
明湖映帶萬壽山陰麓恰當建三楹石壁在其腹山色  
屋亦色豐嗇適兼足顏曰清可軒可意饒清淑璆琳匪  
所宜鼎彝或堪蓄挂琴擬號陶安鈔聊倣陸人盡返淳  
風豈非天下福

雨後御園即景

春霖達曙勢廉纖怪底朝寒料峭添雲歛長空直北望  
居庸玉積數峯尖

一篙春水漲清漪欲泛蘭舟意轉遲猶憶常年方待澤  
瞻雲頻蹙兩眉時

恰報庭前綻海棠弄珠風韻膩人芳倩誰扶起嬌無力  
今日真看出浴衰

江南春月鮮逢晴今歲燕山候頗更最愛煙航凌北渚  
適如明聖畫中行

攢團未下又徐垂風勢飄來濕玉絲正喜麥牟增秀發  
迴看花樹總華滋

覽古

封建及井田三代之善政後世強師古無益翻為病均  
田勢弗能待亂理豈正

人之言曰井田宜於大亂後行之此豈篤論

漢明頗

封建厝薪寢上證閱牆且操戈矧迺各異姓制治本在  
道其末乃法令舍本末是求何異彼優孟其餘率類茲  
審行尚明鏡

喻言

物以少為貴亦以貴招議白石與白玉未始非一類石

以為杵臼玉以為彛器人情每視石泛泛無他計於玉  
乃不然睨視求瑕備以此例其凡吁哉可知畏

馬似鹿千金而無千金鹿馬性取其良鹿足取其速馬  
也鹿其性長跳去不復鹿也馬其足林中無一育

礪礪以攻玉玉成棄礪礪範模以陶磁磁就置範模問  
學與政事况更非兩途何因政勞勩云致學荒疎誰能  
不忘本是謂賢者徒

新筍

新筍初抽半寸強，護培要使長煙簞。  
雲棲犢角山蹊遍，斲取曾將玉版嘗。

昆明雨泛

西山又喜曉雲封，靉靆旋看勢越濃。  
一棹昆明泛空濶，珠簾四面忽重重。

亂點隨風踈復密，寒光度水有還無。  
常年一雨還艱得，疊沛頻霑有是乎。

煙中遠岫翠痕失，隄外垂楊綠意生。  
恰憶昨春南國景。

菱絲甃社半帆橫

水田鱗次接塘陂陌上柔柔蠶起時貌得江鄉自人力  
陰晴誰料亦相隨

進舟至靜明園即景再作

繁雲漸低翳波面接雨足上下空濛意悅我心與目煙  
篷稍沿緣一灣復一曲宛轉達溪源舍舟而就陸適茲  
雨少間花木滴芳馥翠峰為後屏蕭寺在前腹天下第  
一泉趵突益漩洑其側得少平命置椽毛屋擬學惠山

勝肯讓聽松

庵名

獨斷手應不日竹鑪候茶熟

涼

春雨既優霑望晴人盡同朝來徂雲淨樹杪吹涼風一  
慰復一慮新麥正芄芄過寒生理妨跼踖意無悰可知  
為農憂循環無始終

燕丹詩

燕丹怨秦政亡歸思報仇鞠武言不用納亡速禍尤田  
光薦荊卿造門供具周王盤姬手進金丸池龜投既具

督亢圖亦函於期頭徐夫人匕首藥燂利吳鈎荆卿顧  
有待徘徊且遲留太子慮改悔舞陽先遣不荆卿怒叱  
言豎子安足謀遂發易水上白日為凜秋入秦獻所奉  
願得比列侯秦王乃大喜九賓列旌旆舞陽早變色荆  
卿神優優圖窮匕首見持堪瞋雙眸袖絕環銅柱笑罵  
甘死休尺八不足恃七尺介利收衍水命難全寧臺為  
荒丘用人而復疑債事徒貽羞

數詩擬鮑明遠體



一心奚所託為君止於仁二典傳

家法敬

天及勤民三無凜然奉大公何私親四序協時月熙績  
在撫辰五事惟敬用其要以備身六府賴脩治

平聲

其施

均養人七情時省察懼為私欲淪八珍有弗甘念彼饑  
餓倫九歌揚政要鄭衛漫亟陳十聯書屏宸式聽師保  
諄

晴

春晴和氣應麗景照林芳濃露偏侵曙暄風已變涼雉  
鳴麥浪綠蝶栩菜花黃茂對方知慰斐然命短章

河南巡撫陳弘謀奏報得雨

麥收三月雨農謠向所傳中州土脉厚更以麥為天去  
歲河隄潰數郡遭迍邅瓠子幸成功頗有涸出田麥芽  
遍隴青農父冀逢年邇日春霖時南顧心旌懸朝來覽  
章疏一雨千里連餅餌略可期吾民救眉燃元氣豈易  
復虔望秋成全

雜詩

虎園養於菟餵以敗牛肉園池養錦鱗飼以醵脫粟奉  
宸司大凡支銷委隸僕虎魚不能言竊饋誰擿伏謂此  
無益費射虎魚罷育隸僕反私歎何以贍口腹狗彘食  
人食孟子曾記讀效行乃扞格此理將疇告

題沈周寫生二十四種

牡丹

垂露出羣卉恒春不謝花寫生經沈氏較品突劉家雨

後芳如沐風前態欲斜還應笑姚魏未盡洗鉛華

梔子

佛卉曾傳白仙方更著紅揚猗惟近雪吐馥不關風池  
影通身淨露光滿意融南薰欣晝永茂對五絃中

芙蓉

木蓮原蜀種名擅錦官城浥露真無語迎風最有情寧  
因紅艷妬早覺道衰成調粉龍香劑斯花自寫生

山檨

梅白杏花紅開齊色與同

山楸有紅白二種

標奇凌朔雪耐久

見東風體物輕描外傳神靜對中曼陀羅佛樹空色色空空

### 石榴

團團瑪瑙盤盛以水晶丸百顆珠無定三危露早溥匡  
頤真欲解韓手未曾彈底事求爐火纔成九轉丹

### 枇杷

盧橘非秦樹黃金本蜀珍文園早消渴郭氏未為貧  
慰

齒生涼乍堆盤帶露新  
仲長曾有論緬想見斯人

柚

南北奚曾異味香  
洵得宜却教生動筆  
寫出欲垂枝不  
剖寧非謫能藏太覺  
竒田盤寺樓上小憶  
向年時

蓮藕

蓮房青顆顆藕節玉脩脩  
悅目權教置養生在所求  
裊  
絲雪色脆墮粉露光流聞  
道林椿後

宋畫院待詔林椿  
有著色蓮藕雜果

居然見沈周

瓜三  
種

在粟有敦物累累翠蔓舒冰盤間沈李中饋佐生蔬何  
必期霜後渾如摘雨餘東陵此小隱種類漫分疏

茄

毘山傳妙法渤海殖嘉生蔡搏栽荒郡王褒約小評登  
盤間魁芋烹鼎厭侯鯖清供戴家物微嫌未隱名

蘿蔔

植援開錦町雜種已分羅紫玉含津脆墨華生意和性

存薑芥半品比菌蕈過學圃雖堪鄙如須今豈多

葱

嶺久傳西域盤仍佐五辛已知根似玉誰辨下生銀標  
情含朝露紐芽報早春可憐洛陽獄陸續獨思親

筍

刺土纔盈寸凌雲勢不紆崢嶸氣早直森蒨翠相扶怒  
長應期夏叢生獨盛吳韜光山徑畔記取帶煙鋤

胡蘿蔔



愛此珊瑚筋堪登白玉盤可蔬亦可果宜脆復宜乾色

相

去聲

出元代采烹奉可汗成名獨惟爾羞殺漢衣冠

菱

開花落復含結實淡而甘煙客浮遊慣幽人咀嚼諳春

光仍鉅野豪興在江南與茭相評較應懷匠氏慙

茭花開向

日菱花開蔽日有

如巫匠之術云

茭白

野泊秋風起筠茭可取嘗不輸藜藿味愛託水雲鄉沙

汴根踈密蘆汀葉短長與萼一風調何彼獨思張

王瓜

名稱同草挈四月亦云生花是黃金纈形如綠玉橫垂  
垂瓠不落纂纂棗何爭寫意惟蕭淡相看最有情

臺菜

蔬譜松臺芥大同名小殊本根來朔塞今日盛東吳自  
是田家味未堪陳國厨雨花煙葉意江左憶清娛

鸚鵡

寒臯不踰濟飛集限淮南屋脊尋常見巢頭風日諳能  
言白鸚勝入夢綠陰酣莫報新荷裏司空善理談

白頭翁

頡頏常命侶棲穩砌前枝飲啄自如意平生那解離芳  
叢亦可入妙繪若為期白髮嗟何限稱翁爾正宜

蠟嘴

黃嘴烏毛羽翩翔階杏紅禽經傳畫本桑扈佐先蠹功活  
脫出形色飄颻謝雨風不因能戲舞安得入樊籠

雞

獨立羽毳昂昂絕忌猜底須資芥粉聊爾藉松煤入  
埭花迷錦登場玉作臺誰能繼佳什八斗早稱才

鴨

鴨鳬家野異應與雉雞同春水萍茵暖元都渠露融別  
離歎都尉荒誕化仙童沸卉歸羣夥浮深若履空

兔

東郭傳名姓梁園恣宴娛伏跼春草嫩顧目夏槐敷趙

國清辭詠石田妙筆摹未能工百首

李嶠詠物詩  
百二十首

粗就

寫生圖

香岩室

北洞依翠岩月廊接虛室窈窕深且明偃息靜而一拂  
招清風來蒼蔚白雲出觀書志足娛體道神自謚擬以  
永日託夫豈所無逸

御園雨中流覽

三月二十  
五日

芳時剛入夏

是月二十  
二日立夏

好雨又依旬驚喜從無有欽承

倍敬寅麥牟期餅餌花木長精神迴憶向年際終風正  
捲塵

一雨為民喜吾心何所憑水能凜舟喻龍御勉時乘渚  
柳翠光合隄花暖氣蒸香山漫遊目權付遠煙凝

志樂景逾美時和氣亦清略茲解愁鬱可以賞芳榮綠  
竹風前重黃鸝葉底鳴翰林近多暇即事進新賡

即事

快雨還欣值快晴蘭舟適可泛昆明冒煙柳線千條倚

照水花光兩岸迎

隔渚漁村杳靄中  
樹陰舟繫網絲風  
九龍畫意知何處  
為憶錫山煙雨濛

翠幙支船可號齋  
飄飄容與水雲涯  
香山面目何曾隱  
落影湖中分外佳

韶光澹蕩午晴暄  
餘暇清遊略可論  
鏡裏樓臺入冰牖  
壺中氣象在林園

時晴時雨稱人心  
醞釀嵐光翠益深  
紆迤西山堪極目

歸雲猶戀最高岑

虛齋素尚養松雲書史沈酣豈市勤恰似雨餘花氣馥  
惟能靜者始能聞

飛將軍行

隴西成紀世受射將軍猿臂藝獨精折關格獸不旋踵  
擊空鞬脫如蒼鷹百騎往馳射雕者匈奴忽陳陰山下  
軍士前前莫還走示間翻令皆下馬亭尉不識故將軍  
小人常態安足論一朝北平得權勢脩怨斬尉殊傷仁



更復坑降逮八百冥冥應受神鬼責不須王朔始知然  
只合終身二千石

柳絮

迎夏真無爽隨風似不勝趁晴方舞雪入水似鋪冰

詣

黑龍潭作

靈雨三月霑望麥符農諺

天恩慶以懼遑敢恣遊宴

神湫來叩謝願言吾誠薦啟曙出御園菁蔥被芳甸露  
氣潤無塵和風拂人面花間蝶相逐柳外鶯自囀觸目  
意彌愜近遠春耕徧有求致虔敬無求忘繾綣俗見庶  
茲屏惟日凜明旦

城子山

落空鐘韻一聲傳盤徑花宮忽現前芳樹濃陰逮首夏  
好山清別向三年青郊俯暢新耕徧綠宇閒拈舊作懸  
最喜晴明引遙目居庸排戶入青蓮

# 大覺寺

城子言旋日正午大覺咫尺棲禪處鳴鞭取便一徘徊  
雲峯謂我無來去

暮春將杪近清和人入山深夏意多林鎖綠陰禽語靜  
花飛紅瓣蝶羣過

懸崖泉箔自淙流竹栢陰森亦可留若比江南千尺雪  
只輸輪尺綠筠脩

精舍匡牀自在陳隔年頓覺景光新設如大士容諮議

山水緣何解引人

三月晦日作

三春惟有今春幸  
逐日亡何此日臨  
底覺賞心酬分外  
敢渝初志到而今  
花蹊謾惜紅芳老  
林苑徐添綠蔭深  
新闢溪田將百頃  
喜看水足刺秧針

御製詩二集卷三十三

欽定四庫全書薈要卷一萬三千三百六十一

集部

御製詩二集卷三十四

古今體九十九首

壬申四

題帝王統紀錄

燧人前事率洪荒道法精傳始有唐大抵宅心敬與肆  
便開享祚短和長四千一百春秋序

自帝堯元載甲辰至今年壬申凡四

千一百有九年

正統偏安治亂詳承運惟予當此日朝乾夕惕

敢云康

賦得首夏猶清和

律入恢炎候景懷荏苒春緒芳霏翠陌田葉漾銀淪謝  
雪含殘絮溫花點膩塵綠林添影密黃鳥送聲頻暄與  
涼無定夷偕惠可倫都緣好雨足與物樂懷新

泛舟長河過萬壽寺

龍見將常雩致齋返紫禁蘭舟過照園秀木張清蔭問  
景謝今步領要憶前吟却非闢異端吾不為己甚

樂善園

治園一水通書屋碧雲叢秀色形容表清暉攬結中鶯  
聲隱柳綠蝶翅逐花紅漢史留芳躅臨風思不窮

董邦達草堂深樾

澹靄蒼山樾蔭低草堂門逕草萋萋箇中人謝塵寰跡  
奚待移文孔稚圭

張宗蒼飛閣流泉

卓立孤峯欲刺天架空曲榭對前川飛泉疑有巨靈力  
劃破雲巖萬丈懸

雩祭齋居對雨之作

常雩非望雨值雨益休徵繡野春餘潤油雲午更凝松  
濤聽漸息簷溜看徐增卜度田功茂淵懷愜靜憑

大齋

大齋庶政屏晝接廷臣退延佇玉砌間俯仰銅人對九  
德緬古昔一心周宇內剛柔協強燮豐歉籌保乂宵旰  
念民依旦明懷帝載

芍藥



清芬將豔質融冶玉欄斜便喚花中婢還應出鄭家

齋宮書事

致齋廣殿晝沉沉綠潤庭槐布影深

明旦曰臨欽勅命雨暘時若祝關心敢忘渴望經疇昔  
常歲於雩祭時率多望雨今歲  
屢霑膏澤慶慰之餘益切冰兢  
益切冰兢繼自今芳草  
窓前宜靜寄晚來又喜作輕陰

雩祭禮成六韻

協紀日臨畢在璣星見辰厚祈登百穀大饗舉常禋霽

重

園壇迴雲低

廣幕陳一心欽昊緯九節叶韶鈞執事儀從恪告成退  
更後時和真幸際益日勵惟寅

雜詩

水至清無魚人至察無徒無魚非水德無徒勢云孤魚  
豈離於水潛淵轉江湖人豈離於世適將他有圖知一  
貴知二通變乃達常不逆復不億抑亦先覺良吹竽三

百人隱笑齊宣王

西直門外即事

露重曉煙微，菁蔥逼近畿。  
騁眸林葉張，去聲愜意麥苗肥。  
錦蝶隨花亂，黃鸝選樹飛。  
涼風驅急雨，忽濕侍臣衣。

昆明湖上

水天一舸玩空澄，今歲清和景倍增。  
每喜依旬甘雨灑，又看膚寸好雲興。  
忘機魚鳥情何限，倒映樓臺影幾層。  
元武昨年經此際，濯清等是憶佳稱。

輿地志：建業元武湖，齊武帝理水軍。

於此亦號昆  
明池故云

### 題鄒一桂盤山圖

扈駕偷閒似退朝

春巡曾命鄒一桂扈駕至田盤因命文臣於奏事之暇隨意乘騎遊山一

桂此圖即自寫所歷也

宗椒策騎一逍遙便教健筆傳佳勝未許

名山閔寂寥詩句可曾招翰侶精神爾許得僧寮高峯  
雲罩非忘却款段應緣憚路迢

### 題玉泉山翠雲堂

蒼崖秀入雲容翠擇勝為堂號翠雲欲笑世間無活畫

始知大塊有真文  
鎮留嵐氣閒庭貯  
時落鐘聲下界聞  
我到玉泉常得句  
為緣此地脫塵氛

董邦達關山秋霽

葉落洞庭波  
地表秋容霽  
征客歷關山  
豈慮途迢遞  
寺樓枕橫椒  
閒僧竹房閉  
指點晴林間  
猶帶英英氣

君子有所思行

君子有所思  
所思渺以長  
斯民三代民  
稽古溯虞唐  
成規不可見  
數字心傳詳  
措施倘刺謬  
安用言慚惶

君子有所思所思苦民艱休養日生息繁滋逾百年幅  
員倍前古匪饑斯伊寒安得徧寰中歲歲豐大田

君子有所思所思勞實多以人而治人執柯還伐柯師  
古貴師意循跡徒舛訛截趾適厥屨匪愚之謂何

君子有所思所思不易得剛柔每相反克灼材與德眷  
言具三有資之亮百職百職待簡畀詎能諉不識

飼魚

琳池畜錦鱗虛明湛涵渙清和潑刺時飼之資育長中

孚豚魚格信哉理不爽潛淵或在藻乃喜足聲響投饌  
烝然來既飽悠然往水清夫何妨其間貴有養

惠山歌題張宗蒼畫

惠山之泉人所聞惠山之山我亦欣來往惠山纔兩度  
清興足共千秋存往往林壑入靜觀去聲筆不能寫徒云

云宗蒼畫伯亦吳人經營慘淡其傳真朝來九龍在吾  
目烟舟艤待梁溪曲白足僧人若可呼我獨何為在書  
屋春雲如滴山如洗品泉往事徵繭紙寄暢園法雲寺

由來不隔彼與此

題歐陽修小像

裘曰修典試江南道滁州見醉翁亭故蹟彼有藏  
歐陽修小像者携以來舉沈德潛為乞文徵明題  
辭故事允其請書以還之

是誰三鬢儼圖諸太守風流憶治滁題詠名高宋人物

像有李端叔  
晁悅之題贊

操絃韻軼古樵漁

謂蘇軾  
醉翁操

醉翁樂匪山林

也遺像逸真水月如使節新從釀泉過依然鄉井下風



餘

微雨

微雨飄還止春膏麥已芄繼霑當夏首全美普田功作  
勢期連夕因聲慮改風殷殷隴蜀望我亦與人同

覽古

孝章宏器量淵鑒殊朗朗為郎驅駟馬威儀人所仰路  
逢奇童子一見驚倜儻載歸與之言初識乃不爽結為  
忘年交升堂誼可想兩孫定吳會英豪多翫讎少府感

昔情致書意慨慷魏武宣燕昭有求容過樊劇辛由趙  
來樂毅自魏往都尉徵未至太守命先喪叶匪愛實害  
之覽古為嗟快

早蟬

言泛木蘭舟旋窮玉泉曲山古林益蒼地靈氣偏淑遵  
隄聞早蟬點筆寄遐矚萬物識化源消息循環屬獨惜  
蛻遺枝不復嘶新綠

五月候鳴蜩幽風義曾表清和氣充盈百昌發育早羣

噪致昔厭一嘯覺今好觸緒叅妙詮即物含至道

題張宗蒼雲棲圖

心愛雲棲未忍忘為

去聲

圖佳概命宗蒼江邊宛識山村

路竹下曾吟水月房泉箔巖扉相掩映笠簷笏地足徜徉

香光妙蹟留題在

寺有董其昌書金剛經墨蹟去年再訪雲棲題四絕句即書經冊後

重加裝潢

仍藏寺中長共煙霞護法王

青龍橋西

西山雨歇嶺歸雲欲傍林園閱靜芬石牕繁聲纔度響

麥田翠色早依裙別無嗜好頻來往只有耕桑繫戚欣  
最是今春幸時若轉因時若望懷殷

麥

三春雨及時都慶麥收兆昨夜雨亦佳所惜勢微小策  
騎石橋西蘭衢路紆繞芄芄茂畦塍歷歷舒懷抱滿望  
腰鑪日稍接青黃早西峯吐英英再沛真益好

初夏香山

潤逼巖扉過雨纔雲莊竹塢一徘徊隔年未覺時良久

今歲翻成初揭來樹帶餘芳布濃葉石皴舊面長新苔  
晚山又覺雲容重不厭燈窓清夢陪

來青軒

遊目來青軒便覺青來目真色無去來四時在此屋

靜室

白屋築巖阿綠林鎖嶺複探幽造最高蘿磴凡幾曲據  
席懷向因憑窓縱新矚緊我憂勞人未可耽清福

香山夜雨

清眠成小寤颯然被襪寒間以簷溜聲浙瀝來枕端作  
勢聽已壯為澤諒已寬遙因三農慰助此一遊歡

曉

山雲曉未收嵐氣颯如秋聽瀑青猶隱尋峯翠欲浮  
露朝卉馥靄暮夏林稠視政臨勤政

靜宜園  
中殿名

民艱慎體

求

碧雲寺

上方鐘磬六時閒著我偷閒一叩關朗闢雲窓騁遙目

遠村近墅雨晴間

乳竇淙淙清且漈竹鑪適可試茶槽品泉公論應心折

此讓江南第二高

去歲作玉泉天下第一泉記曾以輕重定泉之高下惠山為第二此泉蓋

讓惠

泉云

煙霞導引入崇深精舍依遲足悅心山鳥似能傳佛偈  
分明道著去來今

### 金蓮花

金蓮花發映階新著雨清妍不染塵此是祇陀園裏地

故應長者布來旬

棲雲樓

靈山有滄吐萋萋坐入軒窓咫尺迷詩句相應及時節  
棲雲今日見真棲

再雨

昨夜雨鳴琴欹枕心已喜清曉問來人所需未十里二  
麥待澤多愁馬愁靡已傍晚雲復濃滂沛達遐邇足愜  
隴蜀望益凜盈虛理



雨後延緣長河旋蹕清禁觀農有喜斐然成章

香山夜雨達明發駕言清蹕旋彤闕文侯策騎會虞人  
况有明綸肅朝謁肩輿詰旦下山蹊平原雨足致濘泥  
彼人子也勞何為停輿命易我馬騎我馬紫騮安且速  
滑刺泥行儼平陸辛苦應教懷僕夫富貴何須傲黃屋  
跋涉曾無十里遙蘭舟艤待長春橋順流揚帆豈不逸  
我欲因之聊習勞習勞未比農勞最麥疇黍町延一帶  
今歲雨晴幸時若未至西成敢即快長河來往已多年

幾經欣戚緣農田荷鋤者叟鱗塍邊爾我同為未息肩  
初夏視朝

雨足金門曉氣和觚稜瑞色暎晨娥樂宣清徵八音協  
儀引鴻臚百辟多祈歲惕乾通宥密對時長養驗南訛  
垂衣敢恃崇高位政要維艱勅九歌

瀛臺攬景

綠樹全含潤紅樓迴納涼簾旌疑燕羽軒網錯花光湘  
管摘新會芸編發古香試耕豐澤所撲隴簇針秧

賦得太液柳

人字低臨太液池栽培誰辨永宣時居然後老同彭祖  
未覺先零傲悅之春景青瞳仍望望秋風綠髮故絲絲  
世間松柏翻難並得地延年意可思

題艮嶽石

木鳳曾同燕用來一拳獨立劫餘灰月明彷彿廣寒殿  
勃窣嫦娥白玉臺

題徐賁眠雲軒圖即用其韻

吳下詩人畫雲留共畫舒何勞敬枕夢飛興到姑胥

視朝旋蹕詣

暢春園問

安遂至昆明湖上寓目懷欣因詩言志

視朝已備儀弄璋重協慶

適中宮誕生皇子

天恩時雨暘

慈壽寧溫清邇來稱順適欣承惟益敬湖上景逾佳山  
水含明淨柳浪更荷風雲飛而川泳味道茂體物惜陰

勵勤政

即景

湖上今年每暢情  
欣緣時雨復時晴  
麥臨芒種遮畦茂  
榴為端陽照檻榮  
近接居庸千疊翠  
遙爭明聖幾分名  
對時敢懈惕乾意  
佇望秋來萬寶成

再題清可軒

藉誰謝賦與劉銘  
可讀儒書可閱經  
如如大士鉢中物  
一室芙蓉浩劫青

泛舟玉河至靜明園三首

玉帶長橋接玉河  
雨餘拍岸水增波  
靜明園古林泉秀  
便趁清閒一晌過

兩旁溪町夾長川  
稗稻抽秧千畝全  
意寄懷新成七字  
綠香雲裏放紅船

吳越曾經風物探  
每教位置學江南  
請看耕織圖中趣  
一例幽風鏡裏涵

題華滋館

靜明昔建園華滋初號館表裏湖山秀視聽塵氛遠翰  
墨寄宗情芳菲供靜遣一丘與一壑會意隨方善尚名  
人盡同喜新吾未免

題張宗蒼山水畫

突起孤峯拔地奇旁臨平遠恰相宜詩裁有法還無法  
畫到神來解若斯

端陽日侍

皇太后觀競渡

快霽天中景麗鮮  
宜人都為利農田  
輕陰乍轉招涼牖  
永晝如遲競渡船  
斜葉蕉雲亭畔卷  
低枝榴火沼中然  
五絲綵縷隨風俗  
願比

慈寧壽算縣

望晴

往歲夏五每望雨  
今歲夏五乃望晴  
所望雖殊愁則一  
無非切切緣耕忙  
諺云麥收三月雨  
十年鮮遇喜有徵  
黍高稻下亦齊種  
青蔥一律彌郊坰  
邇來滯霖忽時作



驟看行潦滿谷阡芒種時過麥宜曬雨多結穗虞迴青  
如已登盤不能食更令饑者難為情造物好生不如此  
豈其吾意有滿盈怕聽簷前浙瀝聲齋居怵惕心靡寧  
劉褒北風如可借為吾驅彼愁雲行

夏至齋居

朶殿納薰風雨後生微涼致齋屏庶政益覺清晝長渴  
烏滴珠遲早蕖流綺香時紀驗伏陰王道欽扶陽畢然  
懷古人仲舒三策詳

喜晴

殢雲其何徂萬里一碧空  
吾心與之然愁散慰無窮  
曦朗不覺炎風薰益有融  
連塍麥浪翻結穗應倍充  
所望庶不孤幸哉吾良農

閱舊時經書命筆成什

筭弄舊書齋

青宮所誦書文本別為匣藏之  
重華宮不與天祿萬卷例視云

清閒展誦

佳躬行滋有愧目過輒興懷  
窓影仍駒隙文瀾詎道菱  
石渠多秘寶惟此素心皆

詣齋宮作

方澤躬親歲舉行鑾輿法駕啓平明齋宮却暑來先宿

都為薰風時雨晴

大祀詣齋宮朕所舉行然

北郊

病暍仍即宮中齋宿今歲雨後快晴薰風薦爽爰遵定制預日來齋

中矩康衢步輦旋天安正直轉東邊經過翰苑松槐鬱

文讌徘徊倏十年

每祭

北郊法駕必由天安門出東長安門經翰林院署甲子臨幸今

十年矣

謁

室瞻

壇盛禮陳豆籩展視潔縈蘋躬親敢以時炎謝况值司

工告鼎新

預宿齋宮應詣  
適值維新工竣式觀

皇祇室展拜今歲  
輝煌稍申虔敬

方澤禮成述事

元祀協時暘虔恭志敢康陰潛陽極盛影短晝方長敬  
驗迴星紀徐瞻散曙光階凝甘露白幕展慶雲黃美觀  
新輪負誠攄肅禱將

廣生資厚德綏我屢豐穰

浙省萊麥有收詩以誌慰

兩浙昨逢荒欣知萊麥穰小資助蒼赤未接濟青黃市  
價應差減民情庶免惶西成尚遙在越望即寧康

晚晴落照

習習吹爽風看從西北來鬱溽正無聊陰翳忽盡開西  
峯落翠色夕照與之佳峭蒨入滄池蘋影明漪澗較農  
既慰志即景亦愜懷

張宗蒼松陰高士圖

盤陀松下坐聽濤箕踞科頭逸興豪携得焦桐何必鼓  
高山流水自成操

宋瓷臂擱

銅之壽者三代遺宣和博古曾辨之是時設有脩內司  
官汝均定精為瓷火父水母相濟資因成器用鐫鉞疊  
何來臂擱製雅宜色古質樸非新奇無絕髻墜薜暴疵  
瘦金健筆憑爾為未聞貴重等夏彝金堅土脆閱歲時  
敦卣富有似此希物以少貴固如斯名以久彰更可思

泛月

西北風薦爽徂雲舒我懷  
玉蟾迎望夕流光正徘徊  
滄池漱金波蘭舟試溯洄  
新蟬一兩鳴初荷三五開  
天豁沉星辰倒影浸樓臺  
即景今昔同胡為情惻哉

詩譯

是詩必是詩謂之工刻舟是詩非是詩謂之尚謬  
悠君看三百篇一言可蔽不蘇李道義氣淵明樂隱幽庾謝  
出清新詎脫風人流三唐多作家巨擘屈指周信哉李

之放宣如杜之愁四朝

宋金元明

間有人起衰未易求昌黎

嘗論文氣水言物浮於詩宣不然奚在藻績脩似淡味

彌永外樸中乃腴

叶

譯旨為五言同人一咨諏

宴坐齋中偶爾成詠

麥秋宜快晴雲歛天如洗插秧資黃梅尺澤早霑矣良  
足慰吾農吾寧不為喜消暇坐虛齋疏達窓四啓風度  
松含籟露滋花散綺展卷鑑古今勅幾籌遐邇理固不  
易晰情更實難揣愛而知其惡惡而知其美六時有勞



逸一心無終始

玉泉山天下第一泉龍神祠落成詩紀其事

功德無雙水名稱第一泉合教崇廟貌用以安神筵方  
落臨佳令肇裡卜吉蠲辦香親致敬清酒命申虔靈貺  
時暘雨鴻庥利潤漙黃圖佑千載壬養紀今年

玉泉即景

碧水文漪漾木蘭翠峰倒影入憑觀廓如明聖應相讓  
心寄空澄天地寬

疏翦榆楊去陰翳剔除沙石露泉源竹鑪製就山房供  
文火閒看蟹眼翻

小坐清音

齋名

淨絕塵林泉盃古景偏新消閒翰墨聊評

校往往今人遜昔人

賦得如意

文房紫芝式製合古而純幻已傳秦代揮惟盛晉人何  
須貴犀玉雅足尚檀筠四座天花落於斯有底因

擬沈周寫生玉蘭兼題以句

最是饒丰韻誰能擬色形報春常濯濯照夜自亭亭訝  
許凌風質疑聞過雨馨謝家賢子弟端愛繞階庭

讀蕭望之傳

東海有鉅儒治經脩素履露索不肯聽抱關為祿仕宣  
廟嚮聞名對策稱進止一歲乃三遷何以酬知己雅意  
在本朝平原辭刺史馮翊復移病諭意事方視雖曰不  
要君其孰信乎此義利抗明辨而胡自擅使大閑固未  
踰小節詎盡美恭顯方枘政薰蕕無合理子伋上書訟

適用速讒毀浸潤災无妄延緣禍自取叶慷慨飲藥終  
足以厲懦鄙一再猶不知渭陵實暗矣

小大謠

小忙大閒日逐天小輸大受海納川小積大餘日成年  
小往大來愚避賢小失大得姑與旃小懲大戒福小人  
叶小黠大癡螳捕蟬小重大輕衡與權小損大益自上  
蠲小憂大樂日惕乾

陣雨口號

十日快晴麥登場驅炎陣雨涼無妨涼風忽過珠簾捲  
樹底玫瑰露夕陽

射

弁射我所喜堪消夏日長無爭傳矍圃善教紀文皇嘉  
蔭延披爽明庭引對敷林園豈不樂此樂寓無荒

董邦達秋巖瀑泉

秋山已自無塵更看雲際垂紳不獨一新耳目真教澡  
雪精神

張宗蒼秋塘漁艇

菰蒲際渚起蒼煙  
泛瀲鷗波載釣船  
遼待一鉤新月上  
湧金門外早秋天

孔雀雛

孔雀來西域開屏毛羽鮮  
中華底貢久羶鄉見昔年  
網羅遭一張雌雄或兩失羽族雖茫昧亦知歎無匹  
何來雙入籠豈辭巢室空重譯充賁物迴望雲山重  
相顧淒以悲既悲還復喜一例別故林較勝其他矣

解一 解二 解三 解四

一朝復一朝當春孳尾交育卵不能伏終異棲林椒

解五

虞人識其性螟蛉蜾蠃應借問山野間那得巧相倩

解六

雌雞一何慈嘔暖覆抱之累日忽成雛學步方襍從

解七

雀知母是雞雞知兒是雀粥粥顧復情相依喜何若

解八

文禽在雕檻相視不相親胡為屬離體而如陌路人

解九

雀兮爾莫愁雞兮爾莫樂稍待羽翼成至竟分鵠鶴

解十

中人將呈觀訝為希有瑞獻諛早厭俗體物聊寄意

解十一

解

長河進舟小憩樂善園

煙航沿泛趁晨涼二麥登秋岸圃黃更喜昨來飛陣雨  
溪田水足長新秧

麥莊橋畔漲痕深萬壽寺中松檜森幾度低徊渾似昔  
一時吟眺又成今

沿園窈窕一舟通涼榭憑陵松下風插架芸編供涉覽  
遙年暗度企思中

頻聞



頻聞雨浙萊麥好黃梅尺澤分秧了災民加賑度夏五  
靜待西成登萬寶市頭米價逐日平斯民直道存輿情  
更傳楓鎮往糴客計值還載歸蘇城

天心仁愛物不遺無往不復理可推吾民其蘇免浮饑  
南瞻額慶益敬寅

雛鳳行

丹穴之山百尺梧仁禽雙雙相提扶煦嫗顧復育其雛  
凰抱雛去鳳或孤天樞協祥重和鳴九苞嶷嶷符德生

阿閣灌樹雲成卿一悲一喜難為情

仲夏瀛臺

雨過河源爽籟輕秀林嘉蔭罨文楹三壺早識圖經注  
九夏何來暑氣生體道爲魚看活潑消閒書史挹菁英  
麥登更喜新禾茂慶慰還思戒滿盈

討源書屋視事

解作亦已息晨暘良足怡

萱階問寢退視事言臨茲茲屋匪我作曰我

神堯貽童年陪

豫遊卅載去如馳未敢乖憲章何有致雍熙憶昔  
勤政心撫景興齋咨

於昆明湖往玉泉山舟中瞻眺

滄池含倒影青蓮雜紅蕖目謀既可悅手搴亦與俱窈  
窕出結撰耕織入畫圖蘭舟信不約漾漾隨錦鳧乘流  
遂窮源得門宣問途揭以敞澹襟匪事耽盤娛

六月朔日作

昨來陰晴間對時希快霽季夏月之朔正值庚伏始時  
晴真是佳貞符協農事荷香露珠擎竹響風簫遞廣廈  
却炎燄永漏延清思消暇玩義文略識屈信義蟬聲亮  
高梧為誰報秋意

覽古

傳說舉版築呂尚困鼓刀飯牛甯戚遇粥秦百里遭胥  
不藉先游釋屨升諸朝獨任云致亂何以成神交當時  
魚水歡後世功德昭季孫用仲尼羣婢紛相撓子冉用

事宋墨翟無能逃二君頗自信安危判壤霄涖治貴欽  
明吾聞諸唐堯

題張宗蒼畫

竭仿山樵荷葉皴秋巖活脫見精神展看六月不知暑  
山水從來足靜因

觸目紛披立就詩尚嫌鉢響較來遲

謂前一首

孟子領要沉

酣處在爾凝神結構時


虛實相兼氣韻長箇人筆法老而蒼煙波深處拏舟侶

祇合飄然芟製裳

非非引

是是非非想天頗有後進非其先衆非一是是豈然  
一非吁可憐烏黑燕白孰非禽叶荆玉曰非卞血  
憶細故非大賢措薪枕上非安眠

御製詩二集卷三十四



總校官庶吉士臣侍朝

校對官檢討臣王鍾健

膳錄監生臣蔣予林

欽定四庫全書薈要

集部

御製詩二集卷三十

五十六



詳校官原任編修臣徐立綱



欽定四庫全書薈要卷一萬三千三百六十二

集部

御製詩二集卷三十五

古今體一百二十首

壬申五

六月四日侍

皇太后觀荷成詩一律敬書笺頭以獻

軒憑香錦漾空明  
四啓冰疏暑氣清  
永識承歡復承訓  
所欣時雨更時晴  
延年那藉金仙露  
愛日偏宜赤帝庚  
試看瑤池琪樹下  
按歌來者董雙成

池上居

消夏偏宜池上居  
銀塘碧浸入窓虛  
竹涼響遞迎風際  
荷淨香聞過雨餘  
逐伴飄來新紺蝶  
成羣分出小秧魚  
天機觸目通幽顯  
默識無如讀我書

詠玻瓈窓

樹搖風不到  
晝靜暑如逃  
視遠渾無礙  
觀空徒爾勞

詠史

戰國多說客  
秦漢風尚存  
茅焦感始皇  
鄒陽悟長君  
知

心以說當秘訣韓吃論觸龍言悅燕媼或嘉納牖言苟其  
盡忠款詎在口給便帝堯斥囂訟視子共驩倫

壽原任大學士龍翰傳先生八十初度

光霽由來衆式觀絳帷黃閣領儒冠身名應擬濟南伏  
年德原同沛下桓松鶴作朋還侑酒孫曾繞膝合加餐  
還丹益算何須藉兩字傳經永不刊

雜詩

邇日間陰霽溽暑頗憇情朝來西北風長天豁快晴攬

參竹栢間晷影上砌平消息無停機寒暑有代更萬理  
注義文詎待韋編橫

蜻蜓立釣絲不識羨魚意鳴鶴在松陰各有樂山志萬  
物具理趣於我原皆備致遠或扞格且盡目前事

蟬聲喜高樹螢光隨腐草一般皆動物適適惟自曉曰  
水胡流濕曰火胡就燥日用或不知何況人情渺

三王無同道解張琴乃鼓五帝有同心無逸以為所同  
者今豈異不同古可睹循名或失實致敗難縷舉寄語

持政人毋易由言古

同諸王及大學士翰苑諸臣觀蓮六韻

明廷咨政暇上苑對時良  
載賞雲霞卉言携鴛鴦行舍  
飈承筍席微露墜銀塘  
縟錦方迎日揚檀正納涼  
鏡中粧蕚約畫裏襲芬芳  
共喜蒙多祐相期戒匪康

董邦達松澗雲嵐

動者雲容靜者松妙無動靜者  
層峯設如屨步奇深處  
應有佳喬薦地逢

鄒一桂秋塘釣艇

煙蓬泛漱弄竿綸，蓑笠飄然意可親。  
比似仲舒三策裏，我猶未免羨魚人。

徐揚澗筑松濤

落落長松水閣虛，橫琴高士靜憑餘。  
不知弄者伊何操，鄒忌名言獨起予。

汎湖翫月二首

弦月擘雲匡，依依盈手光。  
暫教拋秘卷，便與汎輕航。

燭漫遊夜開蓬喜納涼無為縈夙昔乘景且徜徉  
素彩醒吟眸滄池載拍浮先如凝露晶魄不挈波流螢  
點亂燃夜蟬聲暗報秋未能學謝客歸後復登樓

### 海東青行

鷲鳥種不一海青稱俊絕摩空健翮上層霄千里下擊  
纔一瞥當其脫鞴始縱時風力未會遲飛掣羣燕緣撲  
或墜落何異淮陰胯下氣且折鷹鷂之雛可惟置海青  
之雛得未逢聞之育卵大海東追逐天鷲入雲中迴顧

忽失故國踪海東青爾不遠為利爾不高騰空安得受  
制於人垂頭仰飼居樊籠王孫莫恨未央宮

題張宗蒼畫

雲巘縱橫幻復真樹頭樓挹遠山皺浮來濕翠迎眉宇  
始識傳神梅道人

麥收

麥收登困廬市價賤食新黍禾亦遍秀油油高下勻此  
際時雨暘西成萬寶臻十畝而一豐孰不希鴻恩邇日



雲屢作踊愁行潦頻少雨便開霽慰志旋生欣乃知經  
事多翻成畏事人

去歲河溢豫魚子遺涸田直沽沮洳鄉多蝻自年年近  
聞孽類孽督捕命亟頒盡力除患始毋致日蔓延或云  
不為害吾詎信諛言或云歲常有吾豈諉應然因捕致  
傷禾吾已命賜蠲或云吏下鄉民費雞黍錢蝗過幸不  
食捕蝗有甚焉吁嗟苟姑息嘉禾忍棄捐善政扞格多  
抑亦難兩全

螢六韻

近濕不礙朗匪燃却常明腐草含變化陰火發晶瑩安  
知燭也微何殊炬之行翾動翼足無光暗外內爭恨添  
閨中婦勤益帷下生火流夫豈遙以爾為先聲

河亭對雨

陣雨斜飛抹屋簷好教淨洗迫人炎池亭坐愛空濛意  
不礙生衣一領添

高樹斜陽霽景清須臾蟬曳晚風聲荷珠紛落猶無定

暎水平分蟠螭橫

颯爽溪山入畫圖  
魚鱗欲盡碧空鋪  
今宵魄影應清絕  
便命蘭橈一泛湖

昆明湖上

夏日宜泛舟  
泛舟湖欲寬  
夜晴晨露灑  
水遠暑風寒  
漾漾入空明  
四面山光攢  
騁目見千里  
秋意示倪端  
載舟懷靡及  
乘景興未闌  
菰蒲彼何知  
對時都覺歡

玉泉山即景

第一泉邊舊建園書堂灑落遠塵喧便教小住慢言去  
每喜尋流遂得源山鳥窺人白晝靜庭松閱歲綠陰繁  
天機道筦何曾閱箇趣伊誰善體存

翠雲堂雙枯行

齊為弟兮夷為兄樹中之聖聖之清盤盤虬榦一庭翠  
六月秋風滿座生故宮却見層椒上遺蹟金元空悵望  
爾時歌舞對春韶不誇雙枯誇花放離宮沿革率非舊  
叶閱歲佳陰蓋數畝難兄難弟標雙清同林雜植無其

耦屈之久者信之長後老生意方堂堂不見堤柳及陌  
楊十年成蔭百年僵

命張宗蒼仿吳鎮筆意圖成詩以題之

神韻無少欠溪壑不大似善師古者然可以悟凡理

華黍

六月  
十日

華黍應秋令雨暘時致早湛湛凝露滋離離含旭皎路  
客欲遮騎農夫已驅鳥課田幾多年額慶逢佳兆前訓  
凜欵器遙心期萬寶

平安月鏡居疊舊作韻

室舫編湘竹天然君子居三庚又依爾一鏡乍輝如籟  
爽生斑翠波光浸碧虛涉江懷古詠餅子好裝蕖

雜英

雜英莫較名專榮繞閒砌女夷小試手技癢那能閤風  
前態欲仙露下情如醉嫋嫋綠珠粧灑灑道韞思蜂蝶  
去亦可蟋蟀來不避奚以憶春翹於焉驗秋意

季夏篇

三庚火伏胎商金蓐收宛轉素節臨大河雨過星斗沉  
一夜露白芙蓉心晚來颯爽生衣襟萬里片雲無處尋  
宜暘未黍綠塍錯村行即漸聞銅雀攜毫擬待歌農樂

鳳凰墩

渚墩學黃埠

在錫山之陽四面  
臨水此墩適相肖

上有鳳凰樓一鏡中懸

畫四時長似秋山容空外秀波態席前浮何事三山遠  
還期仝羨遊

題董邦達山水十二幅

泉音松吹

淙淙謖謖動中間松吹泉音應答間一與耳謀飛逸興  
依稀昨歲坐寒山

烟巒曉色

背山面水草堂便侵曉高人尚穩眠宿雨初收曉烟泮  
瀟湘妙境米家傳

峭壁迴瀾

江橫壁立似區分絡以林端暎帶雲恰是斯人能寫意



相遭風水自成文

林塘晚泊

斜陽返景下漁梁  
野艇歸來罷響榔  
晒網收綸無箇事  
一天雲水好風涼

夏山欲雨

靄靄連山山靄昏  
冷風一谷樹頭喧  
此時點筆翻嫌拙  
佳句何當讓許渾

芙蓉滴翠

剌削英英陸地亭  
夢不萬態摠曾青  
餘杭香錦無煩數  
佛鉢中間悅性靈

石磴凌空

逶迤平林帶葉枝  
危峯拔地忽欽寄  
巉巖疑有髯仙步  
想見山鳴谷應時

松谿幽軸

樹落茅適足蔽形  
好山層疊翠為屏  
碩人樂此非逋客  
軸戶雲關漫自扃

江浦歸帆

三峽無風浪起堆浮家已慣不驚猜收帆指點斜陽道  
穿過瞿塘灩澦來

亭臯秋霽

雲收氣霽恰秋初徙倚孤亭晒碧虛最是胸中消芥蘊  
長空無盡意還如

雲泉澗閣

溪頭架閣倚層椒水態山光入綺寮只可相携漆園吏

此間促膝注逍遙

千林欲雪

寒天黯淡凍林愁結撰真非畫者流何必粉皴方是雪  
別開生面突營丘

賦得風動萬年枝

五言六韻  
得名字

琪樹因風動揚猗禁籞清萬年徵壽永三秀應祥生散  
影花甌靜延暉珠綴明每從觀作止便以較陰晴愛睹  
鸞鵞態徐聞鳳嘯聲奚稱漢武帝林苑獨標名

聞蛩

六月十六日

晚涼豪興生刺舟載明月心託碧琅天身在水精闕何  
來在砌蛩振羽數聲發協候方朱明審音報商越通靈  
信物類不與惟時節來者復無住知然却怡悅

率言

極大巨靈掌開山極小巨靈長七寸極大鯢魚幾千里  
極小鯢魚蟻子分一物變幻尚如此千秋是非誰定論  
青龍橋西

擬向名山盛暑消石橋西畔又鳴梢便教馬上逢新喜  
一路香風暢穎苗

欲鳴銅雀熟催田高下如雲秀實全所冀雨暘時一月  
今年可卜勝常年

夏日香山靜宜園即事四首

別業非遙便往還蘭椒迤邐關雲開看山延得半齋爽  
逴暑權因一日閒鶴領雛來調弱羽鹿希革後長新斑  
書帷何必韋編展大地義文注此間

綠樹成帷白玉臺每從疏隙見崔嵬  
蕙蘭草是三湘佩茉莉花原六月梅  
幽籟靜中觀水動塵心息後覺涼來  
梨園小部翻嫌鬧此處惟應泉石陪

碧宇雲徂喜快晴方方綠野待西成  
璘璠山蝶隨風去翻馥阿蕪過雨生  
松牖憑虛千里直芸帷褰月一鉤橫  
愛看班史消長夏三策江都語最精

黛嶠親切挹山光納爽從容步夕陽  
野果墜煙紅琥珀新簟敲露綠琳瑯  
閒雲歸岫連峯暗飛瀑垂空漱石涼

自我皇皇法克舜輸他坦坦傲羲皇

曉遊香界寺即事雜詠

香界山莊一嶺分清遊減從羽林羣  
起涼侵曉盤層磴  
怡見紅丸上海雲

迴巖宛轉試躋攀不辨東西片刻間  
却為張公五里霧  
忽藏白傳一區山

崔嵬直俯萬峯巔一谷村墟隱白縣  
幻景今朝真盡態  
天衣風動又高褰



寶珠洞高高且深精廬不受纖暑侵數我揭來凡幾度  
分明壁上勒前吟

露草烟蘿清馥交到來一晌坐雲巢誰云佛法忘嗔喜  
開牖歡心滿四郊

勝地幾閒可憇遲登高望遠亦相宜臥波指點廬溝近  
伏汎隄防厓此時

華黍風香遠近迎最欣碧宇似秋晴花宮迴首忽如失  
只有鐘聲林外清

鳴鞭出谷日三竿  
澗水無聲隱石灘  
為有餘閒無愛爽  
陳操健銳試臨看

靜室

為因避暑登高處  
中使肩輿汗已淋  
雖是崇椒延爽別  
有慙以已度人心

天風拂袖颯然涼  
中有清芬百和香  
擬待夕陽方下返  
偶然試閱小年長

擬古詩

有序

三百篇而下言詩者以古詩為宗舊為十九文選  
分為二十後來擬作若陸士衡劉休元諸人分合  
不同半全各適然亦求之詞致聲調意在肖似耳  
夫擬古詩如臨古帖不必似不必不似有意求似  
未有能似者也書不云乎詩言志此詩之源也沂  
源而達之放乎四海化工之造物宣枝枝葉葉而  
為之者哉善夫蘇軾之言曰作詩必此詩定知非  
詩人此予擬古之志也

擬行行重行行

人生無貴賤誰能免別離貴者厭契濶眷屬或挈隨賤者乏勢力顧戀徒噫嘻矢志薦前盟執手訂後期亨屯縱殊地要在尚可為其不可為時解攜真解攜

擬青青河畔草

王孫不知期河畔草盈掬少婦曷有括園中柳條綠霧帔已恤削風帶仍結束君子今何之豈不念幽獨莫以顏似花而忘德如玉

擬青青陵上柏

松柏生高陵鸞鶴所翥翔芙蓉出綠沼鴛鴦相徜徉自古有會宗三都及兩京春色滿皇州遊子忘故鄉高樓酒挹澠康衢塵霏香朝飲挾娥嬪暮遊陪金張暮暮復朝朝行樂何渠央

擬今日良宴會

今日復何日美難良具并吳僮垂手態越女過雲聲愉者意氣揚悲者慷慨增聽音非宮商所貴能移情況引

逸爵飛翠金行侯鯖好樂莫孤時蟋蟀尚未鳴麻姑倩  
搔背奚慮王方平

擬西北有高樓

高樓一何迴西北來天風綺疏張四面雲霓飛三重其  
上何所置笙歌羅綺叢中有窈窕人含悲獨無怗母乃  
賣餅妻離弦感曲衷一彈懷巷苑三嘆置絲桐仰望層  
雲間愧彼雙飛鴻

擬涉江采芙蓉

言入淥波曲采彼芙蓉花綠柄在我手白絲裊且斜感  
此懷所思道路阻且賒可思不可見冀覲空齋嗟

擬明月皎夜光

惟月生於西金行故益皎始出東山上漸歷銀漢表映  
水光帶寒飈午輪收小最能引悲思乃至閒蟲草芳蘭  
逝將萎蟋蟀啼未了時節不我與胡不爲情好翻雲覆  
雨流詎識斷金道

擬冉冉孤生竹

雙竹相扶持孤竹乃冉冉獨立憶其侶颯沓秋風慘結  
禱向猶念秉垣初豈敢而胡相棄捐焉能置情感情感  
亦何為不可追者時憂傷易成老加飯留容姿容姿苟  
未衰會有相見期

擬庭中有奇樹

中唐有薝蔔因風送芬遠所遲遙未歸持此共誰遣折  
榮擬寄將芳歇英亦損山川每多阻時節忽易晚

擬迢迢牽牛星



人間有別離天上豈獨無億萬百千歲漢女懷星夫渡  
河非不能天度不可踰跂彼七夕臨永思終莫攄促曉  
恨天雞失林擬夜烏

擬迴車駕言邁

僕夫戒行李駕言升輕輿所志在四方豈必眷妻孥朝  
待金馬門莫登承明廬季子嫪悔罪買臣妻歎愚丈夫  
志既得安足論區區勒名沉諸淵惟慮久或渝

擬東城高且長

東城何其高逶迤連雉堞城中多華屋朱樓凡幾疊君  
看歌舞地人去空落葉及時不行樂盛衰悲轉睫歸來  
丁令鶴夢失莊生蝶

擬燕趙多佳人

燕姝寧臺舞趙女郎鄆步間易美服飾曼賁工盼顧不  
豐亦不約宜喜復宜怒古來已稱絕漢武寄餘慕當戶  
理瑤琴能譜相如賦

擬驅車上東門

洛陽上東門門外連北邙陰風一何淒柏廷夏亦涼富  
貴及貧賤摠歸埋恨塲黃墟即厚夜潛寤浩劫長續息  
龍失翰衡輕蘭歇芳虛名付史策真偽已莫詳寥寥讀  
史者又誰別臭香水碧率悞人蓬海浩茫茫何如悟達  
生隨時愛景光

擬去者日以疎

昨日不可追今日聊相依一日復一日百年有盡期大  
椿及朝槿修短或少差末路就枯焦一例蟲生之及時

稍遷延老大空餘悲

擬生年不滿百

百年人大限如其壽者鮮試問百歲人定云多益善何  
為憂千載戚戚眉莫展勸汝展雙眉親串咸在茲良辰  
復美景品竹彈清絲去者莫須憶縱憶安能知

擬凜凜歲云莫

元冥司朔令節宴月窮紀木葉落歸根河水凍連底青  
女剪碎瓊散作冰花蕊不樂復何為太康戒無已既命

兔園宴亦念東郭履宵長致良佳帳冷梅花紙宿昔同  
衾人長眠呼不起是非翻來遲入夢輒歡喜三年夢不  
來沉痛嗟何以

擬孟冬寒氣至

平在臨和叔蟋蟀入牀下朔風變嚴律淒聲來四野夜  
明散冷光輪小顧兔寡感序自怛怛為憶知心者睽阻  
幾千里携濶已三夏朝來誰叩門雙鯉忽在把重緘不  
忍開翻恐愁懷惹

擬客從遠方來

日日望遠客居然來我前一日比三秋三秋九十年邂逅適我願不語已如蘭傾蓋勝新知班荆續故歡車笠尚義氣區區安足言

擬明月何皎皎

何來明月光照入紗窓碧盈手餘清輝印心遠塵跡人生境遇殊鮮不為物役歡聚尚多戚而況行邁客惆悵感駒馳躊躇望簷隙

熱

大雨覺過優朱明幸快霽繼以連日暴赫曦勢頗熾多  
稼固宜暄耘者苦炙背叶而況城市囂避暑應無計乃  
知鮮全美安得咸滿意林園足清涼鬱煬尚猶厲念彼  
瘴暘人切切愁不置德信縱矣官政平誰酷吏晚來爽  
風奏金行消息至協時誠萬民觸緒敬吾事

江山勝覽歌題張宗蒼仿黃公望長卷

見豹一斑霧變可以識全皮嘗肉一臠鑊中之味知無

遺金山昨春俯汗漫爾乃西溯蒙汜東竟扶桑枝指點  
長江源委應於茲我非山人無事者羨彼豪遊萬里攬  
勝輒復命筆寫十年之久始成圖五日一石非虛也相  
投意氣誰知音吳門高士倪雲林作詩酬倡識歲月早  
必妙蹟貽來今今時宗蒼亦老手展圖示之咨爾能臨  
否其工可能神不能此語還應出諸此人口經營慘淡  
閱月餘我謂神來宗蒼猶請遲斯須粗皴疏點不數筆  
現前真蹟水乳如乃知三鬣信有諸忽睹浮玉朱欄扶



何須縷辨變峽及燕湖

立秋日作

披風陡覺爽而便少昊司秋信有權且喜民情無怨暑  
更因穡事冀逢年三星已向玉衡直一葉乍飄金井前  
望雨今朝無望霽

農占立秋日雨而  
即晴為豐收之占

故知兩美致難全

七月朔日作

坤維大火流朱明序忽易欲起涼風遲未處殘暑迫茲  
日乃孟朔望雨心轉劇更恐致霖霖雨即晴始適譬人

祈予恩兩美期必得即予亦難之於彼曾何益明知而故蹈造物豈汝役

麥收實倍豐大田苗亦茂縱饒憂於先未覺樂於後邇日異常燠日豫早自咎義車歷西陸鬱燄漸宣透清氣蕩暄蘊浮雲出峯岫所冀盡滌炎與物樂佳候

夜雨

半年雨暘時夏末乃望雨滌暄蠲病疾沛澤利蕎黍枕上聞殷雷心怦遑寢處祇愁勢不優為時果刻許涼風

未宣暢何以消煩暑怨咨民恒情思艱實慙汝

晚蟬

晚蟬因熱勢偏張誰道枝頭解喚涼世上儘多趨熱者  
漫言我亦愛羲皇

微爽

微爽遙山送雨餘畏炎人意較前舒候符歲序嗟如駛

德信農功怒切予

呂氏春秋秋之德  
雨雨有信斯穀堅

五日占期洵已迫

半年慰望恐成虛近西傍晚無雲作瞪目頻勞忘所如

不謂當秋轉望霖憂懷真與日俱深蝸行側壁盤乾舍  
龜坼高原萎綠針雨喜空教傳自昔農艱更識有如今  
前宵細灑誠何益佇待盆傾一沃心

新月

西宇分明麗金行初度看標形權示曲韜采本來團離  
畢空希雨流波不礙寒木蘭聊遲去聲載屬我興方闌

詠玉環

出璞知何代為環見此珍同心連翠紐映手疊文鱗圭

璧思君子金蘭結好賓玉工言似是幾誤楚荆人

雨

七月  
七日

信有靈徵為洗車襄雲只慮散風餘稍蠲隆蘊仍依爾  
未致優霑益惕予沛勢注眸看欲倦響聲屬耳聽成虛  
殷雷幸薄黃昏作入夜甘膏待渥如

即事

畿輔二麥倍常收一律秦晉豫齊州南省亦復雨時若  
方期額慶逢登秋較量早晚便如意自幸今年勝往歲

如何夏杪更望霖入秋轉覺炎蒸繼近聞待澤逮淮揚  
晚田庠水農夫傷五日之期又逾再真教一刻千金償  
瞻雲卜度心增憫調幕多慙德不敏盛滿戒吾亦何辭  
饑饉切民其奚忍

雨

七月初九日

雲容舒復卷雨勢疾還徐諸癘全驅彼一心真沃予更  
無秦越處那有玉珠如金帝穰堪卜炎官赫已祛優霑  
方幸繼警惕敢忘初南望頻縈慮維揚可逮諸

再詠玉韞

逢矢桑弧識舉男賦詩言射我需諳鈎弦易挽鈞盈六  
辨製底須朱極三終不可諼惟令德佩之無斁豈虛談  
環中內外光明瑩一氣渾融萬理涵

靜安莊酌酒

久疎桂酒奠瓊甌節物空驚駒隙道擬送長行安丙宅  
以壽宮卜筭需時茲因  
工竣擇於十月奉移  
那堪來別值辛秋中年哀樂其

多矣一種情懷可耐不慟罷灑然差自信歸居曾未負

從頭

趨庭不見兩年更生汝那堪送汝行

亦擇九月中送皇長子定安親王歸

其園寢便中賜奠

此際還教撫秘器他時惟許望佳城痛來今

日誠何日淚灑緣情不盡情了識人倫是悲種擬從調御馘無生

高梁橋泛舟至昆明湖之作

長河舟進趁晨涼兩岸蟬聲撼靄蒼望雨畏鳩消半月湖光今日作秋光



早田可卜收無礙晚種惟期過半收失望生愁過望喜  
人情那得免隨流

未踰五日畏炎官破曉河風又怯寒不與惟時過去易  
無恒者意測來難

賜錢陳羣歸里時陳羣有反穀之疾詩以寬其意

三尸素所滅二豎胡為作予告遂頤和還鄉諺如約

江浙

嘉禾長水塘俗名還鄉水  
陞辭意懇款請詩應允諾憐汝身日羸壯

汝神猶鑠達生有至論庸醫無大藥辟穀方赤松先難

後原樂

泛月

四時秋月佳孤負誠可惜涼雨已驅炎晚田畧被澤明  
蟾如有約繫我素莫逆容與浮輕舟蕩漾鏡光碧雲容  
欲就閒蛩音不待夕代謝詎少假瞥過思何益

題鄒一桂花卉卷

碧桃

此是西池千葉春風前灼灼復蓊蓊如何不結枝頭實

仙種應慳付與人

梨花

檢校韶光到幾分  
膩情蜂蝶鎮紛紛  
黑甜若到真香所  
小院梨花是夢雲

薔薇

閭易衣裳紫間黃  
卉中仙號杜蘭香  
莫嫌偏有稜稜刺  
未許人輕近砌旁

虞美人

血洒郊原化草芳  
楚歌一曲至今傷  
重瞳叱咤歸何有  
未及盈盈弱質強

紫藤

婉孌偏依松柏枝  
却緣剛介得揚猗  
紫絲步障如平展  
藉與凌空作幕垂

罌粟

擎來百琲玉盤羅  
愛是佳名瑞應禾  
二圃設誠供宿飽  
只虞其少不虞多

白榴花

海南卉木有奇珍冰樣丰姿玉樣神不把丹砂枝上煉  
學仙恐誤後來人

梔子

色馨自是通身淨風露由來滿意涼黃蝶不知花厭鬧  
尋香時復過橫牆

牽牛

睨彼幽姿離落旁露蟲相吊倍淒涼碧天夜瀉銀河水

引出相思蔓許長

剪秋羅

七襄誰道不成章一霎秋風滿院芳  
爾許何多費裁剪  
天孫為製嫁衣裳

秋海棠

墻陰血淚化柔枝  
略似春芳縷縷垂  
一種幽情依露草  
花鈿委地憶當時

芙蓉

淺紅合間荻蘆蒼秋老洲前解拒霜最是蕭風涼雨下  
十分畫意入瀟湘

菊

姓名合在高士傳品格從標晚節花五柳何嘗信貧約  
金臺玉盞醉流霞

藍菊

結隣亦得近東籬瑣碎離披秋晚時設使羣芳譜名氏  
無過充隱埒希之

梅

逃禪去後應無畫處士吟來合罷詩詩意畫情真趣在  
問誰粉本得成茲

今春偶為古幹墨梅曾命一  
桂樨為設色圖故戲及之

御製詩二集卷三十五